

## 17.25 CUNTRASTS SIN SRF 1

---

### Tut en urden? – Tut en urden.

*Quantas giadas al di faschain nus urden? Cun palpiri, smieulas, termagls u cun la frisura? «Cuntrasts» fa urden da surengiu.*



Ma tge è propi urden? Quai avain nus dumandà dus persunas ch'han da rumir di per di: in pur cun fatschenta da nettegiar ed ina mamma ch'è a medem mument magistra. Persunas ch'han percunter in problem cun far urden èn ils uschenumnads «messies». Radund 2% da la populaziun svizra patescha da quel sindrom e dovra agid, p.ex. dad in coach da messies sco Helene Karrer-Davaz. Per mantegnair l'urden en citad ha Cuira montà cameras en il spazi public. Tge astga la polizia però far cun quels maletgs? E quantas cameras ha ella montà a Cuira? Ma la citad da Cuira ha era ina lescha da polizia severa che regla en detagl las multas per disturbis da l'urden public. Tge è atgnamain permess e scumandà tenor l'urden public? «Cuntrasts» ha fatg il test.